

丹溪心法附餘

卷九

痰門

痰
痰熱


哮喘

喘
惡心

嘔吐
欬逆

翻胃
嘈雜

關格
癭氣



丹溪心法附錄卷之九

丁集

痰

休寧東山古庵方

廣約之類集

痰

二十七

附痰熱

丹溪心法

○脉浮當吐 久得脉滿卒難開也必費調理 大凡治痰
 用利藥過多致脾氣虛則痰易生而多 濕痰用蒼朮白朮
 熱痰用青黛黃連芩 食積痰用神麩麥芽山查 風痰
 用南星 老痰用海石半夏瓜蒌香附五倍子作丸服 痰在
 膈上必用吐法瀉亦不能去 風痰多見奇証 濕痰多見
 倦怠軟弱 氣實痰熱結在上者吐難得出 痰清者屬寒
 二陳湯之類膠固稠濁者必用吐 熱痰挾風外証為多熱

者清之。食積者必用攻之。兼氣虛者用補氣藥送。痰因
火盛逆上者以治火為先。白朮黃芩軟石膏之類。內傷挾
痰必用參芪白朮之屬。多用姜汁傳送。或加半夏。虛甚加竹
瀝。中氣不足加參朮。痰之為物隨氣升降。無處不到。
脾虛者宜補中氣以運痰。降下。二陳湯加白朮之類。兼用升
麻提起。中焦有痰則食積胃氣亦賴所養。卒不便。虛若攻
之。盡則虛矣。痰成塊或吐咯不出。兼氣鬱者難治。氣實
痰熱者難治。痰在腸胃間者可下。而愈在經絡中非吐不
可吐法。中就有發散之義。為假如癰病因驚而得驚則神出
舍舍空則痰生也。血氣入在舍而拒其神不能歸焉。血傷
必用姜汁傳送。黃芩治熱痰。假其下火也。竹瀝滑痰。非

姜汁不能行絡經。五倍子能治老痰。佐他藥大治頑痰。
二陳湯。身之痰都治。管如要下行加引下藥。在上加引上
藥。凡用吐藥宜升提其氣。便吐也。如防風山梔川芎桔梗
芽茶生姜薑汁之類。或用瓜蒂散。凡風痰病必用風痰藥。
如白附子天麻雄黃牛黃片芩姜蚕猪牙皂之類。
諸吐法另具于後。

凡人身上中下有塊者多是痰。問其平日好食何物。吐下
後方用藥。許學士用蒼朮治痰成窠囊。邊行極妙。痰挾瘀
血遂成窠囊。眩暈嘈雜乃火動其痰。用二陳湯加山梔子
黃連黃芩之類。噫氣吞酸此食鬱有熱。火氣上動以黃芩
為君。南星半夏為臣。橘紅為使。熱多加青黛。痰在脇下非

白芥子不能達 痰在皮裏膜外非姜汁竹瀝不能導達

痰在四肢非竹瀝不開 痰結核在咽喉中燥不能出入用

化痰藥加鹹藥軟堅之味瓜蒌仁杏仁海石桔梗連翹少佐

朴硝以姜汁蜜和丸噲服之 海粉即海石熱痰能降濕痰

能燥結痰能軟頑痰能消可入丸子末子不可入煎藥 枳

實瀉痰能衝墻壁 小胃丹治膈上痰熱風痰濕痰有膈諸

痛能損胃氣食積痰實者用之不宜多

○喉中有物咯不出嚥不下此是老痰重者吐之輕者用瓜

蒌葷氣實必用荆瀝 天花粉大能降膈上熱痰 痰在膈

間使人顛狂或健忘或風痰皆用竹瀝亦能養血與荆瀝同

功治稍重能食者用此二味効速穩當二瀝治痰結在皮裏

膜外及經絡中痰必佐以姜汁 薑汁治血滯不行中焦有

飲自然汁冷喫兩三銀盞必胃中煩燥不寧而後愈 參黃

丸能消痰 見吞酸類

入方

青礞石丸能解食積去濕痰重在風化硝

南星 二兩切作片用白凡末五錢水

半夏 一兩泡切作片以大 又云一兩

法製硝 用蘿蔔水煮化去蘿蔔瀝令細入臘月牛胆

礞石 二兩搗碎煨硝二兩同入小砂罐內瓦片蓋之

右為末神麩糊丸梧子大每服三五丸白湯下

一方加蒼朮半兩滑石一兩看病冷熱虛實作湯使

片黃芩 姜汁炒

枳實 炒各

法製硝 用蘿蔔水煮化去蘿蔔瀝令細入臘月牛胆

礞石 二兩搗碎煨硝二兩同入小砂罐內瓦片蓋之

右為末神麩糊丸梧子大每服三五丸白湯下

一方加蒼朮半兩滑石一兩看病冷熱虛實作湯使

一、本礞石南星各一兩無枳實

又方

半夏 二兩 白朮 一兩 茯苓 七錢 黃芩 礞石 一兩

風化硝 二錢

右為末同煎

潤下丸 降痰甚妙

南星 一兩 半夏 二兩各依 黃芩 黃連 各一兩

橘紅 半斤以水化鹽五錢 甘草 炙一兩

右為末蒸餅丸如菉豆大每服五七十丸白湯下

一方單用陳皮半斤鹽半兩水拌煮陳皮候乾焙燥為末入

甘草末一兩炊餅同上丸亦好去胃膈有痰咳嗽上熱加

鬱金有濕加蒼朮或加參萸看虛實作湯使

又方 治濕痰喘急止心痛

半夏 一味不拘多 少香油炒

右為末粥丸梧子大每服三五丸姜湯下

又方

黃芩 香附 半夏 貝母

已上治濕痰加瓜蒌仁青黛作丸子治熱痰

又方 燥濕痰亦治白濁因痰者

南星 半夏 各一兩 蛤粉 二兩

右為末神麩糊丸如梧子大青黛為衣每服五十丸姜湯

下 濕痰加蒼朮 食積痰加神麩麥芽山查 熱痰加

青黛

中和丸 治濕痰氣熱

蒼朮 黃芩 半夏 香附 等分

右為末 粥丸如梧子大 每服五七十丸 姜湯下

又方 治痰嗽

黃芩 酒洗一兩 貝母 南星 各一兩 滑石 白芥子 各半兩

風化硝 二錢半 取其輕浮速降

右為末 湯泡蒸餅丸服

導痰湯

南星 炮一兩 橘紅 去白一兩 赤茯苓 去皮一兩 枳殼 去穰麩炒一兩

甘草 炙半兩 又云一兩 半夏 四兩 又云四錢

水煎 生姜五片 食前服

千禧湯 治喘

半夏 七箇 泡制每筒作四片 皂角 去皮條一寸 甘草 炙一寸

右咀 作一服 生姜如指大煎

小胃丹

羌花 好醋浸 過一宿 尾器不

其遂 濕麩 畏長流 水浸 半日 再水洗 曬乾 夕

大戟 長流水 煮一時 再水 洗 曬乾 各半兩

大黃 濕紙 裹煨 勿焦 切焙乾 再

右為末 粥丸 麻子大 每服二三十丸 臨卧 津液 吞下 或白

湯下 口送下 取其兩上之濕痰熱積 以意消息 之欲利則

空心服

又方并遂大戟減三分之一，硃砂為衣名辰砂化痰九丁，五加木、香楨、柳各半兩，蒸餅丸，每服七八丸至十丸止。

治酒痰

青黛

瓜萎

右為末，姜蜜丸，喻化救肺。

治鬱痰

白僵蚕

杏仁

瓜蒌仁

訶子

貝母

五倍子

右為末，糊丸，梧子大，每服五十丸，白湯下。

導痰丸

吳茱萸

制二冬

茯苓

一兩

黃連

半兩

滑石

七錢半

蒼朮

一兩

右為末，糊丸，梧子大，每服八九十丸，姜湯下。

茯苓丸

出千金方百一選方同

半夏

四兩

茯苓

二兩

枳殼

一兩

風化硝

半兩

右為末，蒸餅或神麩姜汁糊丸，梧子大，每服三十丸，姜湯下。

此方治中脘停痰，臂痛難舉，手足不得轉，有效。

又方 治食積痰火并瀉胃火

軟石膏不拘多少研細

右用醋糊丸，如菉豆大，每服二十丸，白湯下。

又方 治陰虛內多食積痰

川芎七錢

黃連

瓜蒌仁

白朮

神麴

交芽 各一兩 青黛 半兩

人中白 三錢

右為末，姜汁蒸餅丸服。

久吐痰喘

杏仁

去皮尖 生用

來復丹 炒

右等分為末，粥丸麻子大，每服十五丸，白湯下。

黃連化痰丸

即黃連清化丸

半夏

一兩 半

黃連 一兩

吳茱萸

湯洗一錢半

桃仁

二十四箇 研

陳皮 一兩

半

右為末，麴糊丸，菜豆大，每服一百丸，姜湯送下。

白至丸

巴豆

三十箇 去油

南星

半夏

滑石

輕粉 各三錢

右為末，皂角仁浸濃汁丸，梧子大，每服五七丸，姜湯下。

黃瓜羹丸

治食積痰壅喘急

瓜蒌仁

半夏

山查

神麴

炒各等分

右為末，瓜蒌水丸，姜湯竹瀝送下，二三十丸。

又方

瓜蒌仁

半夏

一兩

蒼朮 二兩

香附

二兩半

黃芩

黃連

半兩

又方

瓜蒌仁

黃連

半兩

半夏

一兩

右為末，糊丸，梧子大，每服五十丸。

抑痰丸

瓜蒌仁 一两 半夏 一钱 貝母 三钱

右為末蒸餅丸如麻子大每服一百丸姜湯下

清膈化痰丸

黃連 黃芩 一兩 黃柏 山梔 半兩

香附 一兩 蒼朮 二兩

右為末蒸餅丸白湯下

搜風化痰丸

人參 槐角子 僵蚕 白礬

陳皮 去白 天麻 荆芥 各一兩

辰砂 半兩 方研 半夏 四兩 姜汁炒

右為末姜汁浸蒸餅為丸辰砂為衣服四十丸姜湯下

墜痰丸 治痰飲

黑丑 頭末 枳實 炒一兩 白礬 三钱 枯 朴硝 二钱 風化

枳殼 一兩 半炒 猪牙皂角 一钱 酒炒

右為末用蘿蔔汁丸每服五十丸鷄鳴時服初則有糞次

則有痰

治濕痰

蒼朮 三钱 白朮 六钱 香附 一钱 半 白芍 酒浸炒 二钱 半

右為末蒸餅丸服

治肥人濕痰

苦參 半夏 各一兩 半 白朮 三钱 半 陳皮 一钱

右咀作一服姜三片竹瀝半盞水煎食遠吞三補丸十五丸
祛風痰行濁氣

明礬 一兩 防風 二兩 川芎 猪牙皂角

鬱金 各一 蜈蚣 二條用赤脚黃脚各一條

右爲末蒸餅丸梧子大每三十丸食前茶湯下吞以芭蕉湯探吐

上焦風痰

瓜蒌 黃連 半夏 牙皂

姜汁浸炒餅丸

痰氣方

片苓 炒 半夏 半兩 白朮 白芍 一兩

茯苓 陳皮 三錢

右爲末姜汁泡蒸餅丸服

利膈化痰丸

南星 蛤粉 研細 半夏 瓜蒌仁 香附 半兩 便浸

貝母 去心治膈 膈痰氣妙

右爲末用猪牙皂角十四挺敲碎水一碗半煮杏仁去皮尖一兩煮水將乾去皂角摻杏仁如泥入煎藥搜和再入姜汁泡蒸餅丸如菉豆大青黛爲衣每服五十丸姜湯下清膈丸

黃芩 半斤酒 南星 四兩 生用 半夏 湯泡 七次

右爲末姜汁打糊丸

清痰丸 專治中脘熱痰積

烏梅

枯礬

黃芩

蒼朮

陳皮

滑石炒

青皮

枳實各半

南星

半夏

神麴炒

山楂

乾生姜

香附各一兩

右為末湯浸蒸餅丸服

充按丹溪治病以痰為重諸病多因痰而生故前頭方間有別出者亦其平日常用故不另開於附方觀者詳焉

附諸賢論

劉宗厚曰痰之為病仲景論四飲六証無擇叙內外三因俱為切當蓋四飲則叙因痰而顯諸證者三因則論其因有所當而生痰者也唯王隱君論人之諸疾悉出於痰此發

前人所未論可謂深識痰之情狀而得其奧者矣製滾痰丸一方總治斯疾固為簡便較之仲景三因有表裏內外而分汗下溫利之法則疎濶矣况又有虛實寒熱之不同者哉夫痰病之原有因熱而生痰者亦有因痰而生熱者有因風寒暑濕而得者有因驚而得者有因氣而得者有因酒飲而得者有因食積而得者有脾虛不能運化而生者有腎虛不能降火而生者若熱痰則多煩熱風痰多成癱瘓奇證冷痰多成骨痺濕痰多成倦怠軟弱驚痰多成心痛癩疾飲痰多成脇痛臂痛食積痰多成癖塊痞滿其為病狀種種難名王隱君論中頗為詳盡學者但察其病形脈證則知所執之邪隨其表裏上下虛實以治也若夫子和

謂飲無補法必當去水故用吐汗下之三法治入常愈又論熱藥治痰之誤固為詳切亦有挾寒挾虛之証不可不論夫久痰凝結膠固不通狀若寒凝不用溫藥引道必有拒格之患况有風寒外束痰氣內鬱者不用溫散亦何以開鬱行滯又有血氣虧乏之人痰客中焦閉塞清道以致四肢百骸發為諸病理宜導去痰滯必當補接兼行又難拘於子和之三法也大凡病久淹延卒不便死者多因食積痰飲所致何以然者益胃氣亦賴痰積所養飲食雖少胃氣卒不便虛故也亦有治痰用峻利過多則脾氣愈虛津液不運痰反生而愈盛法當補脾胃清中氣則痰自然運下此乃治本之法也謂腎中之王道者正此類也

附脉理

脉訣舉要曰偏弦為飲或沉弦滑或結或伏痰飲中節脉理提綱曰痰脉絃滑

附諸方

金沸草散 和濟方 治外感風寒痰氣內鬱咳唾稠粘

參蘘飲 和劑方 亦治外感風寒痰飲停積胸膈咳嗽氣促言

語不能相續者並見傷風類

小青龍湯 和劑方 治外感風寒內生溢飲支飲倚息喘滿不

得安臥者 見咳嗽類

法製半夏 御禁院方 消飲化痰健脾順氣

右用大半夏以湯泡洗一遍去臍再泡洗如此七遍焙乾

用濃米泔浸一日夜取出控乾每半夏一兩用白礬一兩半研細溫水化浸半夏止留水兩指許類放浸於月於暖處類放浸五日夜取出焙乾再用鉛白霜一錢溫水化又浸一日夜通煎七日盡取出再用醬水放慢火內煮勿令滾候醬水極熱取出焙乾於銀石器或磁器內收貯每服一二粒食後細嚼生薑湯下 又一法依前製成半夏每一兩用龍腦半錢研極細同飛過磁砂於半夏上再為衣却鋪上灯草一層約厚一指單排半夏於上再用灯草蓋約厚一指以炒豆燂之候乾取出於器內收貯每服一二粒細嚼食後溫水下或冷水送下

橘皮半夏湯 宣明方 痰嗽久不已者

橘皮 去白

半夏 二錢半湯洗七次

右為末分作二服每服水一盞半入生薑十片同煎二分溫服

茯苓半夏湯

治停痰留飲胸膈滿悶嘔逆惡心吐痰水

茯苓 去皮

三兩

半夏

湯炮七次每兩

右以咀每服四錢水一盞姜七片煎六分空心服

大半夏湯

御藥院方

治痰飲及脾胃不和

半夏

陳皮

茯苓

各二錢半

右以咀水二盞生薑一錢半煎至八分去滓食後溫服

二陳湯

和劑方

治痰飲為患或嘔吐惡心或頭眩心悸或因

食生冷飲酒過度脾胃不和並宜服之

半夏湯洗七次 橘紅陳皮去白者 白茯苓去皮 甘草炙一兩半
是各五兩 右吹阻每服四錢水一盞生姜七片烏梅一箇同煎至六分熱服

○廣按此方半夏熟痰燥濕橘紅消痰利氣茯苓降氣滲濕甘草補脾和中益補脾則不生濕燥濕滲濕則不生痰利氣降氣則痰消解可謂體用兼該標本兩盡之藥也今人但見半夏性燥便以他藥代之殊不知失立方之旨若果血虛燥症用姜汁製用何妨抑嘗論之二陳湯治痰之主藥也如寒痰加附子姜桂濕痰加蒼白二木食積痰加麩蘗山查熱痰加芩連梔子風痰加南星皂角燥痰加瓜蒌葶貝黑鬱痰加枳殼香附老痰加海石朴硝

乃合其宜

丁香半夏丸 和劑方 治脾胃宿冷胸膈停痰嘔吐惡心吞酸噫氣心腹痞滿不思飲食

肉豆蔻 木香 丁香 人參

陳皮 去白各二錢半 藿香葉 半兩 半夏 湯泡七次

右為末以生姜汁煮麵糊丸如小豆大每服二三十丸姜湯下

○已上數方治寒痰之劑

平胃散 治有濕痰倦怠軟弱嗜卧沉困無力 方見中濕

五苓散 治臍下有悸停飲癰眩吐涎沫 方見濕熱

化痰丸 本事方 治停痰宿食

丹溪心法附錄卷九

十一

半夏 湯泡 人參 去芦 桔梗 細切 姜 白朮 枳實

香附子 白茯苓 各一兩 前胡 去芦 甘草 各半兩

右為末用半夏姜汁煮糊丸如梧桐子大每服四五十九

姜湯下

頰柳散 濟生方 治胸膈停滯痰飲腹中虛鳴食不消化時或

嘔逆

杏仁 去皮 旋覆花 去枝 半夏 湯洗 七次 枳殼 各一兩 甘草 五錢

桔梗 去芦 白朮 各一兩 人參 五冬 乾姜 炮 橘紅 各一兩

古吹咀每服四錢水一盞半夏五片煎至八分溫服

半夏湯 瑞竹堂方 順陰陽消痞滿消酒化痰

半夏 姜製 一兩 橘紅 去白 一兩 桔梗 去芦 一兩 枳實 去穢炒 半兩

右吹咀每服四錢水一盞半夏五片煎至七分半錢半

飽熱服

海藏五飲湯 拔粹方 一留飲心下二癖飲脇下三痰飲胃中

四溢飲膈上五流飲腸間凡此五飲酒後傷寒飲冷過多

故有此疾

旋覆花 人參 陳皮 枳實 白朮

茯苓 厚朴 半夏 澤瀉 猪苓

前胡 桂心 芍藥 甘草 各等分

右剉每兩分四服水二盞生姜十片同煎至六分取清溫

服不拘時候忌食肉生冷滋味等物因酒多飲加葛根葛

丹溪心法附錄卷九

十一

開飲積實丸 振粹方 逐飲消痰道滯清膈

枳實 去穢炒 半夏 湯泡 七次 陳皮 去白各 二兩 黑牽牛 半斤取頭 末三兩

右為末水煮麵糊為丸如梧桐子大每服五十丸生姜湯下食後

葛花解醒湯 振粹方 治酒飲太過嘔吐痰逆心神煩亂胸膈

痞塞手足戰搖飲食減少小便不利 見傷食類

一方 治痰厥流注疼痛

用大半夏二兩湯浸為末風化朴硝二兩生姜自然汁糊丸如梧桐子大每服五丸姜湯下痛在上臨臥服痛在下空心服

○已上數方治濕痰食積痰之劑

清氣化痰丸 古庵方 清頭目涼膈化痰利氣

半夏 湯洗七次二兩 陳皮 去白 茯苓 去皮各 一兩半 薄荷葉

荊芥穗 各五錢 桔梗 去芦 黃芩 酒浸 炒 連翹

梔子仁 炒 甘草 炙各 一兩

右為末姜汁煎水打糊為丸如梧子大每服五十丸食後

臨卧各一服如腸胃燥實加酒炒大黃芒硝各一兩

○廣按此方即二陳湯與涼膈散相合是也蓋痰因火動故

作膈痞滿頭目昏眩今因二陳以豁痰利氣涼膈以

降火散風熱何病之不瘳哉

滌痰丸 御藥院方 治三焦氣滯痰飲不利胸膈痞滿咳唾稠

粘固自熱赤肢體倦怠不思飲食常服升降滯氣清膈化

痰

木香 檳榔 青皮 去白 陳皮 去白 京三稜 煨

枳殼 去穰 麵炒 半夏 洗七次 各一兩 大黃 煨 一兩 黑牽牛 微炒 二兩

右為末水糊丸梧桐子大每服四五十九丸姜湯食後下

利膈丸 按粹方 治風勝痰實喘滿咳嗽風氣上攻

黑牽牛 炒四兩 半夏 洗 皂角 去皮炙 各二兩 青皮 去白

槐角子 炒 木香 各一兩 檳榔 大黃 各半兩

右為末生姜糊圓如梧桐子大每服七十丸生姜湯下食

後

開結枳實丸 御藥院方 宣道滯氣消化痰飲升降陰陽通行

三焦蕩滌脾胃流暢大小腸開導膀胱專主胃中痞逆惡

心嘔噦飲酒不消宿食停積兩脇膨悶咽嗝不利上氣喘嗽黃疸等症

枳實 炒 白朮 半夏 製 南星 炮 白礬 柿

苦葶藶 炒 大黃 青皮 去白各五錢 木香 三錢

黑牽牛 頭末 二兩 大皂角 酥炙去 皮 旋覆花 各一兩

右為末生姜汁糊為丸梧桐子大每服五十丸姜湯下無時
婦人乾血氣膈實腫滿或大便不通小便不利生姜葱白湯下

王隱君滾痰丸

括日甌裏翻身甲掛金于今頭戴草堂深相逢二八求斤
正硝煨青礞倍若沉十七兩中零半兩水丸桐子意常對

千般怪証如神效水瀉及身却不在

大黃

酒蒸

黃片苓

酒洗淨

沉香

半兩

礞石

一兩槌碎煅硝一兩用入小砂罐內蓋之鉄線練定蓋泥固濟晒乾火煨紅候冷取出

一方加硃砂二兩硃為細末為衣

右為細末水丸梧子大每服四五十丸量虛實加減服茶清溫水任下臨卧食後服

按此以大黃黃芩為君大瀉陽明濕熱之藥礞石以墜痰沉香則引諸氣上而至天下而至泉為使也

大瀉瀉丸

拔粹方

主胃中不利噎噎喘促脾胃壅滯

木香

七錢

檳榔

七錢

厚朴

一兩

人參

去

藿香葉

當歸

甘草

枳實

炒

大黃

酒浸焙

一兩

右為末水浸蒸餅丸如梧子大每服五十丸溫水下食後或臨卧服

○已上數方治熱痰之劑

辰砂化痰丸

和劑方

治風化痰安神定志利咽膈清頭目

白礬

枯過別研

辰砂

飛研各半兩

半夏

洗七次姜汁搗作麴三兩

南星

一兩

右以白礬半夏麴天南星為末和勻生姜汁煮麴糊丸如梧桐子別用辰砂為衣每服二十九食後姜湯下

半夏利膈丸

御藥院方

治風痰壅盛頭眩目眩咽膈不利涕唾稠粘并治過酒停飲嘔逆惡心胸脇引痛腹內有聲

半夏

湯洗三兩

白木

白茯苓

去皮

白礬

生

人參

去芦

滑石

貝母

各一兩

白附子

生用

天南星

生用

兩半

丹溪心法附錄卷九

右為末，麵糊丸，如梧桐子大，每服三十九丸，食後姜湯下。

葉氏分涎方 簡易方 治風痰留滯，膈間喘滿，惡心涎鳴，不可

半夏 洗七次，令軟，下 四片姜汁浸，一夕。 陳皮 去白 棟參

枳實 苦梗 天南星 去另皮，蒸餅色，灰火煨香熟，取出，各等分

右吹咀，每服二錢水，一盞姜十片同煎，食後服。

靈砂白丸子 澹寮方 治元氣虛弱，痰氣上攻，風痰壅塞，嘔吐

不化

靈砂 青州白丸子末 各一兩 各研

右為末，和勻，以生姜自然汁打黍米糊丸，如梧桐子大，每

服三十丸，空心人參湯或棗湯下。

大人參半夏丸 宜明方 化痰除涎，止嗽定喘，治諸痰，不可盡

述

茯苓 去皮 人參 去芦 天南星 薄荷葉 各半 乾生姜

半夏 白礬 生 寒水石 蛤粉 二兩 藿香葉 二兩

右末，麵糊丸，如小豆大，生姜湯下，二三十丸，食後溫水亦

得一方，加黃連半兩，黃蘗一兩，水丸，取效愈速，治酒病，調

和臟腑，尤宜服之。

治風痰不下 聖惠方

荆芥 四兩 白礬 生一兩 槐角 生二兩 陳皮 半夏 各二兩半

右為末，水糊為丸，如梧桐子大，每服四十丸，生姜湯下。

辰砂祛痰丸 聖惠方 治酒食過多，酸醎作，成痰飲，聚於胸中，

疑則嘔逆，惡心流涎，則臂痛，頭目昏眩，腰脚疼痛，深則左癱。

丹溪心法附錄卷九

十八

右痰淺則驟然倒地此藥神效

硃砂 一兩水飛下半入藥二半為衣 半夏 四兩 槐角 炒 陳皮

白礬 生 荆芥 各一兩 生姜 四兩與半夏製作餅陰乾

右為末姜汁打糊丸如梧桐子每服五十丸生姜湯皂角

子湯任下忌動風動氣物食後溫服

化痰丸 瑞竹堂方 快脾順氣化痰消食

半夏 淨洗 皂角 切碎 天南星 去皮膜 生薑 白礬

右件各四兩用砂鍋內同水煮天南星無白點為度揀去

皂角不用將半夏天南星生姜切細晒乾如無日色慢火

焙乾加後藥

青皮 去穰 陳皮 乾葛 紫蘇子 神麩

麥蘖 炒 蘿蔔子 炒別研 山查 香附子 去毛 杏仁 去皮尖炒另研

一方加枳實茯苓

右十味各一兩合前藥碾末姜汁蒸餅打糊丸如梧桐子

大每服五七十九食後服臥茶酒任下

利膈化痰丸

白木 四兩 皂角 去皮弦子三兩 生半夏 生白礬

右將皂角揉水半碗浸半夏白礬春五夏三秋七冬十日

不用皂角晒乾為末姜汁糊為丸如梧桐子大每服三十

丸姜湯下

○已上數方治風痰之劑

四七湯 和濟方 治七情氣鬱結聚痰涎狀如破絮或如梅核

在咽喉之間咯不出嚥不下并治中脘痞滿痰涎壅盛上
氣喘急

半夏 五兩 茯苓 四兩 紫蘇 三兩 厚朴 三兩

右咬咀每服四錢水一盞半生姜七片棗子一枚煎至六
分熟服婦人有孕惡阻亦宜服之但半夏用姜汁製過男
子因氣而小便白濁用此湯下青州白丸子有效

三仙化 百一選方 治中脘氣滯胸膈煩滿痰涎不利頭目不
清

南星 生去

半夏

湯洗七次二味各五兩為末用生姜
自然汁和不可太軟但手捏得聚為
度攤在篩中用楮葉蓋之令發黃色晒乾
收之須是五六月內做曲如醫黃法

香附子

畧炒於磚石上
麩去毛伍兩

右為末麵糊丸如梧桐子大每服四十九丸食後姜湯下機

要香附加搗紅名玉粉丸治氣痰

沉香和中丸 秘方 治証同前

陳皮 去白 青皮 枳殼 檳榔 木香

黃芩 青礞石 煅硝煨 各半兩 大黃 一兩 一分 沉香 二

滑石 二兩 黑牽牛 頭末二 兩二錢

右為末滴水為丸如梧子大每服五十九丸茶清下臨卧服

節齊化痰丸

論曰痰者病名也人之一身氣血清順則津液流通何痰
之有惟夫氣血濁逆則津液不清薰蒸成聚而變為痰焉
痰之本水也原於腎痰之動濕也主於脾古人用二陳湯

為治痰通用者所以實脾燥濕治其標也然以之而治濕痰寒痰厥痰涎則固是矣若夫痰因火上肺氣不清咳嗽時作及老痰鬱痰結成粘塊疑滯喉間吐咯難出此等之痰皆因火邪炎上薰於上焦肺氣被鬱故其津液之隨氣而升者為火薰蒸凝濁鬱結而成歲月積久根深蒂固故名老名鬱而其源則火邪也病在上焦心肺之分咽喉之間非中焦脾胃濕痰冷痰厥痰涎之比也故湯藥難治亦非半夏茯苓蒼朮枳殼南星等藥所能治也惟在開其鬱降其火清潤肺金而消化凝結之痰緩以治之庶可取效今製一方于后

天門冬 去心 一兩 黃芩 酒炒 一兩 海粉 另研 一兩 瓜蒌仁 另研 一兩

橘紅 一兩 去自 桔梗 五錢 去芦 香附子 搗碎 淡鹽水 浸炒 五錢

連翹 五錢 青黛 另研 二錢 芒硝 另研 三錢

右為極細末煉蜜入生姜汁少許和藥末杵極勻丸如小龍眼大噲化一丸或嚼爛清湯細嚥之或丸為細丸如黍米大淡姜湯送下五六十九

此等老痰大率飲酒之人多有之酒氣上升為火肺與胃脘皆受火邪故鬱滯而成此方用天門冬黃芩泄肺火也海粉芒硝鹹以軟堅也瓜蒌仁潤肺降痰香附米開鬱降氣連翹開結降火青黛解鬱火故皆不用辛燥之藥

○已上數方治鬱痰老痰之劑

蘇子降氣湯和劑方治虛陽上攻氣不升降上盛下虛痰涎壅

盛

川當歸去 甘草炙

前胡去

肉桂去

厚朴去皮姜制

半夏麴

紫蘇子各五

陳皮去白三

右咬咀每服五錢水一盞姜三片棗一枚煎服不拘時

俞山人降氣湯和劑方治上盛下虛痰氣壅盛或喘或滿咽

乾不利并治脚氣上攻煩渴引飲

煎胡去

五加皮制

黃芪

肉桂

當歸去

半夏麴

紫蘇子

陳皮去

厚朴去皮姜制一

桔梗

羌活去

甘草一

乾姜炮

附子炮

人參去

右咬咀每服五錢水一盞半紫蘇三葉姜三片棗一枚煎服

黑錫丹和劑方治痰氣壅塞上盛下虛心火炎熾腎水枯竭

及婦人血海久冷無子或赤白帶下並皆服之

肉桂去皮

沉香

附子炮

葫芦巴酒

破故紙

茴香舶上

肉豆蔻麵

陽起石研

金鈴子蒸

木香各一

硫黃

黑錫去

右用黑蓋或新鉄銚內如常法結黑錫碗黃砂子地上出

火毒研令極細餘藥並杵羅為末一處和勻自朝至暮必

研令黑光色為度酒糊為丸如梧桐子大陰乾入布袋內

擦令光瑩每服四十粒空心薑湯下女人艾棗湯下

靈砂丹 和劑方 治上盛下虛痰涎壅塞此藥最能鎮降升降

陰陽安和五臟扶助元氣

水銀一兩 琉黃四兩

右用新鉄鈹炒成砂有烟即以醋酒候研細入水火鼎醋調赤石脂封口鉄線扎縛晒乾塩泥固濟用炭二十斤煨如鼎裂筆蘸赤石脂頻抹火盡爲度經宿取出研爲末糯米糊爲丸如麻子大每服二十粒空心棗湯米飲人參湯任下

○廣按已上四方並係類聚溫熱之藥而出證皆云治上盛下虛氣不升降蓋謂盛者即心火之炎虛者即腎水

之弱火炎水弱則有升無降故津液漏而爲痰稠粘膠固凝滯於胃膈之間非金石丹藥溫熱香燻之劑而能流通開散之乎書云重可以去怯正所謂劫劑也用此劫劑之後又當用兼補兼消之藥繼之如六味地黄丸之類是也

金匱腎氣丸 即六味地黄丸 治腎氣有虧故用此藥補腎逐

水 見補損

○廣按腎水虛弱則心火上炎以致津液敗濁而爲痰涎用此劑補腎逐水乃端本之藥也前黑錫丹等劑溫脾劫痰乃治標之藥也

六君子湯 治脾虛不進飲食嘔吐痰水 方見調補脾胃

白木湯按辨方治胃中虛損及痰吐者

半夏麴半兩 白木一尺 栝榔二錢 木香 甘草各二錢

右為末每服二錢生姜湯調下食前服

八味丸 治脾腎兩虛嗽唾而不咳者方見捕損

已上數方治虛痰之劑

○廣按痰本津液因熱而成熱則津液薰蒸而稠濁故名為痰也痰之為物隨氣升降無處不到或在臟腑或在經絡所以為病之多也若夫寒痰濕痰熱痰則易治至於風痰燥痰老痰則難治也分而治焉寒則溫之濕則燥之熱則清之風則散之燥則潤之老則軟之總而治

焉用人參甘草以補脾半夏白朮以燥濕陳皮青皮以利氣茯苓澤瀉以滲水是舉其綱也如寒痰加以附子姜桂濕痰加以蒼朮厚朴食積痰加以麴蘖山查熱痰加以岑連梔子風痰加以南星皂角燥痰加以瓜蒌杏仁鬱痰加以枳殼香附老痰加以海石芒硝是張其目也雖然痰證又有挾虛者不可不加補藥焉如挾氣虛加以四君血虛加以四物脾虛治以六君腎虛治以六味分其表裏上下審寒熱虛實而施治之未有不中其情者

痰飲治例 出明醫雜暑

王節齋曰痰屬濕乃津液所化因風寒濕熱之感或七情

飲食所傷以致氣逆液濁變為痰飲或吐咯不出或凝滯
胃膈或留聚腸胃或流注經絡四肢隨氣升降遍身上下
無處不到其為病也為喘為欬為惡心嘔吐為痞隔壅塞
閉格異病為泄為眩暈為情雜怔忡驚悸為癲狂為寒熱
為痛腫或胃間輒轉有聲或背心一點常如冰冷或四肢
麻痺不仁皆痰所致百病中多有兼痰者世所不知也痰
有新久輕重之殊新而輕者形色清白稀薄氣味亦淡久
而重者黃濁稠粘凝結欬之難出漸成惡味酸辣腥臊鹹
苦甚至帶血而出治法痰生於脾胃宜實脾燥濕又隨氣
而升宜順氣為先分導次之又氣升屬火順氣在於降火
熱痰則清之濕痰則燥之風痰則散之鬱痰則開之頑痰

則軟之食積痰則消之在上者吐之在中者下之又中氣
虛者宜固中氣以運痰若攻之太重則胃氣虛而痰愈盛
矣

主方二陳湯

橘紅 半夏 湯泡 白茯苓 甘草 生姜

右方揔治一身之痰如要下行加引下藥上行加引上藥
濕痰多軟如身體倦怠之類加蒼朮白朮
寒痰痞塞胸中倍加半夏甚者加麻黃細辛烏頭之類痰
厥頭痛亦加半夏
風痰加南星枳殼白附子天麻姜蚕猪牙皂角之類氣虛
者更加竹瀝氣實加荆瀝俱用姜汁

用溪心法附錄卷下
熱痰加黃芩黃連痰因火盛逆上降火爲先加白朮黃芩
軟石膏黃連之類眩暈嘈雜者火動其痰也亦加山梔
黃連黃芩

血虛有痰者加天門冬知母瓜蒌仁香附米竹瀝姜汁
帶血者更加黃芩白芍藥桑白皮血滯不行中焦有
飲者取竹瀝加生姜韭菜自然汁吃三五銀盞必胃中
燥煩不寧後愈

氣虛有痰者加人參白朮脾虛者宜補中虛以運痰降
下加白朮白芍藥神麩麥芽煎用升麻提起內傷挾痰
加人參黃耆白朮之類姜汁傳送或加竹瀝尤妙
食積痰加神麩麥芽山楂炒黃連枳實以消之甚者必用

攻之宜凡藥煎血虛者用補血藥送下中焦有痰者食
積也胃氣亦賴所養卒不復虛若攻之盡則虛矣

老痰用海石半夏瓜蒌仁香附米連翹之類五倍子佐他
藥大治頑痰宜丸藥喉中有物咯不用嚥不下此痰
結也用藥化之加鹹藥軟堅之類宜瓜蒌仁杏仁海石
桔梗連翹香附以佐朴硝姜汁煉蜜和丸噙服之脈澀
者卒難開心費調理氣實痰熱結者吐難得出或成塊
吐咯不出氣滯者難治

痰在膈上必用吐法瀉之不去膠固稠濁者必用吐脈浮
者宜吐痰在經絡間非吐不可吐中就發散之義凡
用吐藥宜升提其氣便吐如防風川芎桔梗芽茶生姜

非汁之類或瓜蒂散凡吐用布緊勒肚於不通風處行走

痰在腸胃間可下而愈枳實甘遂巴豆大黃芒硝之類凡痰用利藥過多脾氣易虛則痰易生而多

痰在脇下非白芥子不能達

痰在皮裏膜外非姜汁竹瀝不可及在四肢非竹瀝不開在經絡中亦用竹瀝必佐以生姜韭汁膈間有痰或癩狂或健忘或風痰俱用竹瀝與荆瀝同功氣虛少食用竹瀝氣實能食用荆瀝

凡人身上中下有塊是痰也問其平日好食何物吐下後方用藥

凡人頭面頸身中有結核不痛不紅不作膿者皆痰注也宜隨處用藥消之

滾痰丸攻瀉腸胃痰積及小兒食積痰急驚風痰盛者最為要藥常宜合備但瀉量人虛實而用之

○痰熱 新增

附諸賢論

劉宗厚曰夫痰熱之原有因熱而生痰者有因痰而生熱者廣按因熱而生痰者熱則薰蒸津液而成痰因痰而生熱者痰則阻碍氣道而生熱夫熱生痰而痰生熱始終新久之謂也

附諸方

四神丸 經驗良方 治痰涎壅盛頭昏眩有背拘急手足頑

麻

天麻 大者南星各湯洗 防風 去芦各一兩 薄荷葉 半兩

右為末酒糊為丸如菘豆大每服二十九丸荆芥生姜湯下食後

龍星丹 治諸風熱壅痰盛

解毒雄黃丸 治上膈壅熱痰涎不利 並見中風

鵬砂散 和劑方 治大人小兒風痰熱毒喉閉生瘡鼻衄出血

山藥 六斤 腦子 七兩 另砂 牙硝 十四兩 甘草 二十兩 射香 四兩

鵬砂 二十兩 生另研

右為末每服半錢好茶點服

上清丸 治膈間痰熱口舌生瘡咽喉腫痛咳嗽喘滿煩燥

不寧 見風熱

哮喘二十八

丹溪心法

○哮喘必用薄滋味專主於痰宜大吐藥中多用醋不用涼藥須常帶表散此寒包熱也亦有虛而不可吐者一法用二陳湯加蒼朮黃芩作湯下小胃丹看虛實用入方 治寒包熱而喘

半夏 枳殼 炒 桔梗 片苓 炒 紫蘇

麻黃 杏仁 甘草

右水煎服 天寒加桂枝

治哮喘積方

用雞子一箇，畧敲，損膜不損，浸尿缸內，三四日，取出，煮熟，喫之，効。蓋雞子能去風痰。

紫金丹

治哮喘，三年後可用。

用精猪肉二十兩，一俵配切，作骰子塊，用信一兩，明者，研極細末，拌在肉上，令勻，分作六分，用紙筋黃泥包之，用火烘，令泥乾，却用白炭火，於無人處，煨青烟出盡，為度，取放地上，一宿，出火毒，研細，以湯浸，蒸餅，丸如菉豆大，食前茶湯下。大人二十九，小兒七八丸，量大小虛實與之。

喘二十九

丹溪心法

○喘病 氣虛 陰虛 有痰 凡久痰之証，未發宜扶正，氣為主，已發用攻邪為主。氣虛短氣而喘甚，不可用苦寒之藥，火氣盛故也。宜導痰湯加千縉湯，有痰亦短氣而喘，陰虛自小腹下火起，衝於上，喘者宜降心火補陰。有火炎者宜降心火清肺金。有痰者用降痰下氣為主。上氣喘而躁者為肺脹，欲作風水，証宜發汗則愈。有喘急風痰上逆者，大全方千縉湯佳。或導痰湯加千縉湯。有陰虛挾痰喘者，四物湯加枳殼半夏補陰降火。諸喘不止者，用劫藥一二服則止。劫之後因痰治痰，因火治火，劫藥以椒目研極細末，一二錢，生姜湯調下，止之。氣虛不用。又法：蘿蔔子蒸熟，為君，皂角燒灰等分為末，生姜汁煉蜜丸，如小豆大，服五

七十丸喻化止之。氣虛者用人參蜜炙黃柏麥門冬地骨皮之類。氣實人因服參芪過多而喘者用三拗湯以瀉氣。若喘者須用阿膠。若久病氣虛而發喘宜阿膠人參五味子以補之。若新病氣實而發喘者宜桑白皮苦葶瀉之。戴云有痰喘有氣急喘有胃虛喘有火炎上喘痰喘者凡喘便有痰聲氣急喘者呼吸急促而無痰聲有胃氣虛喘者擡有顛頭喘而不休火炎上喘者乍進乍退得食則減食已則喘大槩胃中有實火膈上有稠痰得食入咽墜下稠痰喘即止稍久食已入胃反助其火痰再升上喘反大作俗不知此作胃虛治以燥熱之藥者以火濟火也葉都督患此諸醫作胃虛治之不愈後以導水丸利五六次而安。

入方

痰喘方

南星 半夏 杏仁 瓜蒌仁 香附

陳皮去白 皂角炭 蘿蔔子

右為末神麩糊丸每服六七十丸姜湯下

又方

蘿蔔子蒸半兩 皂角半兩 海粉一兩 南星一兩 白礬一錢半
姜汁浸

右用瓜蒌仁姜蜜丸喻化

劫喘藥

好銅青細研 魏丹少許炒

右為末每服半錢醋調空心服

附諸賢論

丹溪心法附錄卷九

三十

王節齋曰喘與脹二症相因必皆小便不利喘則必生脹脹則必生喘但要識得標本先後先喘而後脹者主於肺先脹而後喘者主於脾何則肺金司降外主皮毛經曰肺朝百脉通調水道下輸膀胱又曰膀胱者州都之官津液藏焉氣化則能出矣是小便之行由於肺氣之降下而輸化也若肺受邪而上喘則失降下之令故小便漸短以致水溢皮膚而生腫滿焉此則喘為本而腫為標治當清金降氣為主而行水次之脾土惡濕外主肌肉土能剋水若脾土受傷不能制水則水濕妄行浸漬肌肉水既上溢則邪及浸肺氣不得降而生喘矣此則腫為本而喘為標治當

實脾行水為主而清金次之若肺症而用燥脾之藥則金得燥而喘愈加脾病而用清金之藥則脾得寒而脹愈甚矣近世治喘脹者但知實脾行水而不知分別肺脾二症予故為發明之

附脉理

袖珍方論曰凡此證脉滑而手足温者生脉瀋而四肢寒者死

附諸方

三拗湯 和劑方治感冒風寒鼻塞聲重語音不出咳嗽喘急

生甘草

麻黃

不去節

杏仁

不去皮尖 各等分

右咬咀每服五錢水一盞姜五片煎服以得汗為度

華蓋散 和劑方治風寒冷濕之氣傷於肺經上氣喘促不得

睡卧或声音不出者

小青龍湯 和劑方治感寒咳嗽喘急不得睡卧

蘇沉九寶湯 簡易方治老人小兒素有喘急遇寒暄不常發

則連綿不已咳嗽吼哮夜不得睡 並見咳嗽

分氣紫蘇散 和劑方治脾胃不和氣逆喘促

五味子 去梗 桑白皮 茯苓 去皮 甘草 炙 草薹仁

大腹皮 陳皮 去白 桔梗 各二

右咬咀秤二兩入淨紫蘇一兩五錢搗碎同一處拌勻每

服四錢水一盞姜三片入塩少許同煎空心服

紫蘇子湯 濟生方 治因憂思過度邪傷脾肺心腹膨脹及喘

促煩悶腸鳴氣走漉漉有聲大小便不利脉虛數而滑

見氣滯

杏仁半夏湯 宜明方治肺氣不足喘咳嗽不已并傷寒往來

寒熱

杏仁 祛 桔梗 陳皮 去 茯苓 去 漢防已

桑白皮 白礬 各二 猪牙皂角 薄荷葉 各一 甘草 二

右為末作二服水一盞生姜三片煎至六分食後温服

葶藶散 濟生方 治過食煎燂或飲酒過度致肺壅喘不得安

卧及肺癰烟燥不渴濁嗜腥臭

甜葶藶 炒 桔梗 去 瓜蒌仁 川升麻 薏苡仁

桑白皮 炙 葛根 各 甘草 炙五

右咳嗽每服四錢水一盞半生姜五片煎至八分去滓食後溫服

定肺湯 直指方 治上氣喘嗽

紫苑 五味子 橘皮去白 甘草炙 紫蘇子炒

杏仁去皮尖炒 桑白皮炒 半夏製 枳殼麩炒等分

右咳嗽每服一兩生姜五片紫蘇五葉水二盞煎至一盞

食後溫服

○已上數方攻邪之劑

人參潤肺湯 宜明方 治肺氣不足喘急咳嗽不已往來寒熱

自汗多 見咳嗽

蘇子降氣湯 和劑方 治虛陽上攻喘促咳嗽見痰類

杏蘇飲 直指方 治上氣喘嗽浮腫

紫蘇葉二兩 五味子 大腹皮 烏梅去核 杏仁去皮尖炒

陳皮去白 桔梗 麻黃去節 桑白皮炒 阿膠煉各半

紫苑 甘草各一兩

右咳嗽每服五錢水一盞半生姜五片煎至八分去滓食

後溫服

玉華散 直指方 治咳嗽上喘調順肺金清利咽膈安和神氣

甜葶藶焙 桑白皮炒 天門冬去心 馬兜鈴 半夏製

紫苑 杏仁去皮尖 貝母炮 百合 人參各五錢

百部 甘草各二兩半

右咳嗽每服一兩水二盞生姜四片棗子三枚煎至一盞

去滓食後溫服下方無生姜煎

杏參散 秘方治胃膈脹喘上氣喘急咳嗽倚息睡卧不得見咳

○已上數方半攻半補之劑

神秘湯 三因方治上氣喘急不得卧者

橘皮去白 桔梗 紫蘇 五味子 人參各等分

右吹咀每服四錢水一盞煎至六分食後服

知母茯苓湯 宣明方治肺痿喘嗽不已往來寒熱自汗身

見肺痿類

五味子湯 治人方治喘促脉伏而數者

五味子 干兩 人參 麥門冬去心 杏仁去皮 生姜

陳皮各一錢半 棗子三枚

右吹咀作二服每服水二盞煎至一盞食後溫服

寧肺湯 楊氏家藏方治榮衛俱虛發熱自汗肺氣喘急咳嗽

痰唾稠黏身 見咳嗽

人參保肺湯 治五勞七傷喘氣不接見發熱

○已上數方補虛之劑

人參理肺散 按方治喘不止

麻黃去節炒 木香各一兩 壘粟殼炒 人參一兩

杏仁三兩 當歸一兩

右吹咀每服八錢水一盞半煎至八分去渣食後溫服

紫參散 按方治形寒肢冷傷肺喘促痰涎不得安卧

麻黃 桔梗 五味子 甘草炙 紫參各一兩

罌粟殼二兩蜜炒黃色

右吹咀每服一两水一盞半煎至八分温服食後

○已上三方止瀉之劑

惡心 三十

丁集

丹溪心法

○惡心有痰 有熱 有虛 皆用生薑隨證佐藥

戴云惡心者無聲無物心中欲吐不吐欲嘔不嘔雖曰惡心實非心經之病皆在胃口上宜用生薑蓋能開胃豁痰也

附諸方

大半夏湯

半夏

陳皮

茯苓各二錢半

右吹咀水二盞生姜二錢半煎八分食後服

小半夏茯苓湯

半夏五兩

茯苓三兩

右吹咀每服八錢用水一盞半煎至一盞入生姜自然汁投藥中更煎一二沸熱服無時 或用生薑半兩同煎

加味二陳湯

半夏

橘紅

茯苓

甘草炙

黃連姜汁炒

黃芩姜汁炒各一錢半

右作一服水二鍾姜五片煎八分温服

加味生姜理中湯

人參 白朮 生姜 甘草 半夏

陳皮 各等分

右水煎服

嘔吐 三十一

丁集

丹溪心法

○凡有聲有物謂之嘔吐，有聲無物謂之噦。胃中有熱膈上有痰者，二陳湯加炒山梔黃連生姜。有久病嘔者，胃虛不納穀也，用人參、生姜、黃芪、白朮、香附之類。嘔吐朱奉議以半夏橘皮生姜為主。劉河間謂嘔者火氣炎上，此時一端耳。有痰膈中焦食不得下者，有氣逆者，有寒氣鬱於胃口者，有食滯心肺之分而新食不得下而反出者，有

胃中有火與痰而嘔者，嘔吐藥忌以薑杏仁桃仁蘿蔔子山梔皆要吐。凡藥帶香藥行散不妨注，船大吐渴飲水者，即死，重便飲之最妙。

附脈理

脈訣舉要曰：滑數為嘔，代者霍亂微滑者生，瀯數凶斷。

附諸方

香薷飲 和劑方治伏暑而嘔 見中暑

四君子湯 按粹方治久病胃虛而嘔

茯苓 白朮 人參 黃芪 各一兩

右以咀，每服一兩水，二盞，姜伍片煎，一盞去滓，溫服。

錢氏白朮散 治症同前 見痢類

加味理中湯 和劑方 治胃感寒嘔吐不止

人參 白朮 乾姜炮 甘草炙各一錢 丁香十粒

右以咀，生姜十片水煎服

大藿香散 濟生方 治七情傷感氣鬱于中變成嘔吐或作寒

熱眩暈痞滿不進飲食

藿香葉洗去土 半夏 白朮 人參去芦 木香不見火

茯苓皮 桔梗去芦 枇杷葉制去毛 橘皮 甘草炙各半兩

右為末每服五錢水一盞姜五片煎六分溫服棗一枚

養胃湯 徐氏方 治脾胃虛冷不思飲食嘔吐翻胃

白豆蔻仁 人參 丁香 宿砂仁 肉豆蔻

附子炮 甘草 沉香 橘紅 麥芽

神效各二

右為細末每服二錢姜鹽湯下

旋覆花湯 濟生方 治中脘伏痰吐逆眩暈

旋覆花去梗 半夏湯泡七次 橘紅 乾姜炮各一兩

枳櫛 人參去芦 甘草炙 白朮各半兩

右以咀每服四錢水一盞姜七片煎服不拘時

加味二陳湯 治停痰結氣而嘔

半夏 橘紅各五兩 白茯苓三兩 甘草炙一兩半

砂仁一兩 丁香五錢 生姜二兩

右水煎服

藿香養胃湯 御藥院方 治嘔吐不化

御藥院方

治嘔吐不化

藿香葉一兩 半夏二兩 湯洗 陳皮一兩 去白 厚朴二兩 姜製

蒼朮三兩 米泔浸 甘草二兩

右為粗末每服五錢水一盞半生姜五片棗一枚同煎去滓溫服

生姜橘皮湯 活人方 治乾嘔噦或致手足厥冷

橘皮四兩 生姜半斤

右咬咀水七盞煮至三盞去滓逐旋溫服

濟生竹茹湯 治熱嘔或因飲酒過度而嘔者

葛根湯泡七次 二兩 甘草炙一兩

右咬咀每四錢水一盞入竹茹一小塊姜五片煎服

小柴胡加竹茹湯 治發熱而嘔

柴胡二錢 湯洗 半夏一錢 黃芩 人參 橘皮錢一

甘草炙各七分半 竹茹塊

右咬咀水一盞生姜七片煎六分溫服

三一承氣湯 宜明方 治嘔吐水漿不入食即吐大便秘或利而不鬆快時覺腹痛滿者或下利赤白而嘔吐食不下者

或大小腸膀胱結而不通上為嘔吐隔食煎熟入硝細細

咬服

○廣按三因方言嘔吐証忌用利藥此言其常然大小腸

膀胱熱結而不通上作嘔吐隔食若不用利藥開通發

泄則嘔吐何由而止或只嘔吐而大小使不秘澁者此

利藥又當所忌也 三承氣湯 見溫熱類

吐虫而嘔方

黑鉛炒成灰，栝柳末等分，米飲調下。

欬逆 三十二

丁集

丹溪心法

○欬逆有痰 氣虛 陰火 視其有餘不足治之其詳在格致錄論不足者人參白朮湯下大補丸有餘并有痰者吐之人參盧之類痰碍氣而吐逆者用蜜水吐此乃燥痰不出 痰者陳皮半夏 氣虛人參白朮 陰火黃連黃柏滑石 欬逆自痢者滑石甘草炒黃柏白芍人參白朮陳皮加竹瀝服 戴云吐逆者因痰與熱胃火者極多

附諸方

半夏生姜湯 治咳逆欲死每半

半夏一兩二錢半 生姜一兩

右以水二盞煎八分去滓分作二服

柿蒂湯 治胃膈痞滿咳逆不止

柿蒂 丁香 各一兩

右以咀每服三錢水一盞姜五片煎服

羌活附子散 治吐利後胃寒咳逆

羌活 附子炮去皮 茴香炒各五錢 乾姜炮 木香各一兩

薑少許

右以咀每服二錢水一盞薑少許煎至半盞溫服不拘時

九氣湯附食類

一左去木香用丁香三因方二香並用

橘皮湯 治吐利後胃虛膈熱而咳逆者

橘皮 去白 二兩 人参 甘草 炙各半兩

右以咀每服四錢水一盞竹茹一小塊生姜五片棗二枚煎七分溫服不拘時

○廣按欬逆之症乃胃火蒸薰津液成痰凝滯於胃膈之間阻碍氣道所以欬逆也已上二方治吐利後胃寒胃熱咳逆然吐利後胃熱咳逆者常多而胃寒咳逆者千百中而一二也

人参白朮湯

人参 黃芩 柴胡 乾姜 枳子仁

甘草 炙各半兩 白朮 防風 半夏 煨七次 五味子

右以咀每服四錢姜三片煎

桂苓白朮散 宜明方消痰止咳逆散痞塞開堅結痛悶進飲

食調和臟腑

棟桂 乾生姜 各二錢半 茯苓 去皮 半夏 各一兩 白朮

陳皮 去白 澤瀉 各半兩

右為末麵糊丸如小豆生薑湯下二三十丸日三服病在下食後病在下食前在中不拘時一方加黃連半兩黃柏二兩水丸取效愈妙

灸法 見溫熱

大補丸 見補損

肝痿心法附錄卷九

四

丹溪心法

○翻胃大約有四，血虛 氣虛 有熱 有痰兼喘 必
 用童便薑汁竹瀝牛羊乳生薑汁，氣虛入四君子湯右
 手脈無力 血虛入四物湯加童便左手脈無力 功不
 可用杏燥之藥若服之必死宜薄滋味，治反胃用黃連
 三錢生薑汁浸炒山查肉二錢保和丸二錢同為末糊丸
 如麻子大胭脂為衣用人參湯入竹瀝再煎下沸下六十
 凡有痰二陳湯為主寸關脈沉或伏而大 有氣結宜開
 滯導氣之藥寸關脈沉而滴 有內虛陰火上炎而反胃
 者作陰火治之 年少者四物湯清胃脫血燥不潤故便

澁格致餘論甚詳 年老雖不治亦用參朮關防氣虛胃
 虛 氣虛者四君子湯加蘆根童便或參苓白朮散或菲
 汁牛羊乳或入駁駝尿 又有積血停於內而致當消息
 逐之大便澁者難治常令食兔肉則便利 翻胃即膈噎
 膈噎乃翻胃之漸 發揮備言 羊高者不治 糞如羊
 屎者斷不可治大腸無血故也

戴云翻胃血虛者脈必數而無力氣虛者脈必緩而無
 力氣血俱虛者則口中多出沫但見沫大出者必死有
 熱者脈數而有力有痰者脈滑數二者可治血虛者四
 物為主氣虛者四君子為主熱以解毒為主痰以二陳
 為主

入方

用馬剝兒燒灰存性一錢好棗肉平胃散二錢
右和勻溫酒調服食即可下然後隨病源調理

又方

茱萸 黃連 貝母 瓜蒌 牛轉草

治翻胃

韭菜汁二兩牛乳一盞

右用生姜汁半兩和勻溫服效

治翻胃積飲通用

益元散生姜自然汁澄白脚九小丸子時時服

溫清丸 治翻胃伐肝邪

乾姜一兩

滑石

甘草各二兩

右為末丸服

附諸方

撞氣阿魏丸 和劑方治五種噎疾九般心痛痞癖氣塊腹痛

腸鳴嘔吐酸水丈夫小腸氣婦人血氣並治之見諸氣

木香通氣飲子 御藥院方治一切氣噎塞痰飲不下

青皮去穢

木香

蓬莪朮

枳殼

陳皮去白

蘿蔔子炒各五錢

藿香葉一兩

甘草炙

人參去芦

枳殼各五錢

香白芷二錢半

右為末每服五錢水二盞煎八分溫服

瓜蒌實丸 濟生方治胸痞痛徹背脇喘急妨悶膈噎翻胃

方見瘡類

丹溪心法附錄卷之

人參利膈丸 按粹方治胸中不利痰咳喘滿和脾胃壅滯推

陳致新治膈氣聖藥

木香

檳榔 七錢半

人參

當歸

藿香

甘草

枳實 各半兩

大黃 酒浸

厚朴 姜製

一兩

右為末滴水為丸梧桐子大每服五十丸溫水送下

棗肉平胃散 開胃進食

厚朴

姜制

陳皮

去白各三斤二兩

甘草

炙

紅棗

生姜

各二斤

蒼朮

酒浸一宿炒五斤

一方加茯苓人參

右剉拌勻以水浸過面上半寸許煮乾焙燥為末每服二

錢搗湯空心點服

保和丸消食開胃見積聚

寬中進食丸

滋形氣喜飲食

道寧純陽丹

治痰涎聚於中脘不能傳導並見調補脾胃

○已上數方消導之劑

白朮和胃丸

治脾胃虛弱不能運化

和中散

同前

八珍湯

同前

參苓白朮散

同前

俱見調補脾胃

○已上數方補虛之劑

燒針丸 此藥清鎮專主吐逆

黃丹 不以多少

右研細用去皮小囊丸如鷄頭子大每用一丸針簽於燈上燒灰為末乳汁下

神仙奪命丹 專治噎食

烏梅 十三箇水浸去核

硃砂錢二

雄黃錢二

乳香錢一

百草霜錢五

菘豆

黑豆 各四十粒

右將烏梅杵爛前藥并豆為末入梅再搗和勻丸如彈子大以乳香少加砂硃為衣陰乾每服一丸空心嚼化符藥盡烙熟餅一箇碾碎入熱茶泡食之無碍為驗過三五日依法再服一丸即愈極有神效

治膈氣經驗方

用大鯽魚自死者活者不效剖去腸留鱗用大蒜去皮薄切片填之魚腹內仍合魚用濕紙包定次用麻縛之又用熟黃泥厚厚固日微乾炭火慢慢煨熟取出去鱗刺骨用平胃散杵丸如梧桐子大日曬乾瓶收勿令泄氣每服空心米飲下三十丸

槿花散 治翻胃

以千葉白槿花陰乾為末陳米湯調下三五口不轉再服

一方 治轉食

用翻翅鷄一隻煮熟去骨入人參當歸菴各五錢為細末再煮取與食之勿令人共食

一方 治翻胃不問新久冷熱二症

用虎脂半斤切如豆大用清油一斤瓦瓶浸虎脂一月厚
綿紙封口勿令氣泄每用清油一兩入無灰好酒一大鍾
調勻不拘時溫服服盡病減其虎脂再添油再爇再可活
二人若一時無虎脂只用珠子硫黃細研半兩水銀二錢
半入硫黃末研至無水銀星再研如墨煤色每服三錢生
姜四兩取自然汁入好濃酒一鍾溫熱調空心服厚衾蓋
覆當自足趾間汗出遍身皆汗透吐當立止不止再服此
藥輕浮難調須先滴酒少許以指緩緩研之旋添酒調
一方 治噎食
用碓背細糠蜜丸如彈子大每服一丸噙化津液嚥下
一方

用白麵二斤半蒸作大饅頭一箇頂上開口取空將皂礬
裝滿用新瓦四圍遮護饅頭塩泥封固却空土窰安放以
文武火燒一晝夜候紅色取出研為細末棗肉丸如梧桐
子大每服二十九空心酒湯任下忌酒色

○已上數方專治之劑

四君子湯

四物湯 俱見補損

二陳湯 見痰類

○廣按膈噎翻胃之証因火而成其來有漸病源不一有因
思慮過度而動脾火者有因忿怒過度而動肝火者有
因久食煎炒而生胃火者有因淫慾忘及而起腎火者

蓋火氣炎上，薰蒸津液成痰，初則痰火未結，咽膈乾燥，飲食不得流利，為膈為噎，久則痰火已結，胃之上脘不開，飲食雖進，停滯膈間，須臾便出，謂之嘔吐。至於胃之下脘不開，飲食雖進，停滯胃中，良久方出，謂之翻胃。丹溪云：年高者不治，蓋少年氣血未虛，用藥劫去痰火，病不復生；老年氣血已虛，用藥劫去痰火，雖得暫愈，其病復作，所以然者，氣虛則不能運化而生痰，血虛則不能滋潤而生火，故也。丹溪又云：此証切切不可用香燥之藥，若服之必死，宜薄滋味，其局方心用香燥之藥，豈合宜乎？夫証屬熱燥，固不宜用香燥之藥，又香散氣燥耗血而滋味助火而生痰也。予嘗用霞天膏加於補虛藥中。

以治此証者，一人則吐瀉，以去積血，一人則吐瀉，以去積痰，俱獲病安，思食而彼一人俱不能節戒，隨啖肥甘，終不能免，殊不知此証挾虛，雖云病去而脾胃尚弱，肥甘難化，故病復也。噫嘻！得此証者，不可知所謹，故知所懼哉。若用霞天膏，吐瀉後宜用人參煉膏補之。

霞天膏 見倒倉法 人參膏 見駢顏

嘈雜 三十四

丁集

丹溪心法

○嘈雜是痰因火動，治痰為先，姜炒黃連入痰，藥用炒山梔子、黃芩為君，南星、半夏、陳皮為佐，熱多加青黛。嘈雜此乃食鬱有熱，炒梔子、姜炒黃連不可無。肥人嘈雜，二陳湯少。

加撫芎藭木白朮炒山梔子，嘈雜若濕痰氣鬱，不喜食，三補丸加蒼朮倍香附子，醫按蔣氏子條云心嘈索食白朮黃連陳皮作丸白湯下七八十九數服而止。又云心運嘈雜是火動其痰，二陳湯加梔子芩連之類。

戴云此則俗謂之心嘈也。

二補丸 見補損

二陳湯 見痰類

關格 三十五

丹溪心法

○關格必用吐提其氣之橫格不必在出痰也。有痰宜吐者，二陳湯吐之，吐中便有降。有中氣虛不運者，補氣藥中

升降寒在上熱在下，脈兩寸俱盛四倍以上。

戴云關格者，謂膈中覺有所得欲升不升欲降不降，飲食不食，此為氣之橫格也。

瘦氣 二十六

丹溪心法

○瘦氣先須斷厚味。

入方

海藻 一兩 黃連 二兩 一云黃

右為末以少許置掌中，時時舂之，津嚥下，如消二分之一。

止後服。

附諸方

丹溪心法附錄卷九
海帶丸 治瘰氣久不消者

海帶 貝母 青皮 陳皮

右各等分爲末煉蜜丸如彈子大每服一丸食後噙化

一方

海藻 海帶 昆布 廣茂 青蘊

右爲末煉蜜丸如彈子大每服一丸食後噙化

破結散 治石瘰氣瘰筋瘰血瘰肉瘰等證

海藻 龍膽草 海蛤 通草

昆布 礞石 松蘿 麥麩

半夏 貝母

右爲末每服二錢酒服忌甘草鯽魚雞肉五辛生菓等物

丹溪心法

○結核或在項在脛在臂在身如腫毒者多是濕痰流注作

核不散

入方 治耳後項各一塊

姜蚕 酒大黃 青黛 牛膽南星

右爲末蜜丸噙化

又方 治項頸下生痰核

二陳湯 大黃 連翹 桔梗 柴胡

右以水煎食後服

又方 治臂核作痛

二陳湯加連翹 防風 川芎 皂角刺

4
3293

丹溪心法九卷終

蒼木 酒黃芩

右以水煎服

丹溪心法九卷終

